



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.3. Suevi convertuntur.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

tum pecuniæ contulit, & Marito in de- Seculum VI.
 corandis aliis Ecclesiis operam junxit. A. C. 561.
 Hæc magnæ pietatis & nobilissimi san-
 guinis Matrona genus ab Imperatore A-
 vito ducebat.

§. III.

Suevi convertuntur.

Sub idem ferme tempus Suevi ab annis Greg. Mir.
 centum & quinquaginta Ariani Ga- S. Martini
 læciam incolentes ad Fidem conversi I. c. II.
 sunt. Chararicus seu Theodemirus Rex
 filium habebat decumbentem, & adeo
 languentem ut ægerrime spiritum tra-
 heret. Tum Rex ad suos: *Quæso! edi-*
cite mihi, cujus Religionis sit Martinus
ille, quem in Gallia tot Miracula edere
ferunt? Responderunt: Episcopus fuit,
& Populum suum docuit, Filium æquali
honore cum Patre & Spiritu Sancto ut-
pote substantia parem esse colendum. Si
ita est, dixit Rex, amicorum meorum fi-
dissimi ad templum ipsius eant, & magna
munera deferant. Et si filio meo sani-
tatem impetrent, idem, quod sanctus Vir
credidit, & ego credam, postquam Fidem
Catholicam edoctus fuero.

Itaque tantum auri & argenti, quan-
 tum filii sui pondus æquaret, appendi,
 illudque Turonem ad S. Martini sepul-
 chrum deferri jussit. Legati inde rever-
 si dixerunt ad Regem, quod ibi plura pa-

Sæculum VI. trari Miracula vidissent, & addiderunt:
A. C. 561. *Nescimus, cur filius tuus non fuerit sanatus.* Intellexit Rex, filium suum non prius sanandum, quam JESUM Christum Patri suo æqualem crederet. Tum Ecclesiam in honorem S. Martini ædificare cœpit, & postquam consummavit, dixit: *Si usque adeo Cælum me amet, ut hujus sancti Viri Reliquias possim accipere, omnia, quæ Episcopi docent, credam.*

Ergo secundo suos cum majoribus Donis Turonem mittit; quo ubi pervererunt, petierunt Reliquias. Oblatæ sunt ipsis aliquæ, quales aliis dari solebant, id est lintea, aut panni, qui aliquamdiu super sepulchro jacuissent. Ipsi dixerunt: *Liceat nobis ipsis sepulchro imponere, quod ablaturi sumus.* Tum imposuerunt velum sericum prius appensum, & dixerunt: *Si coram S. Patrono nostro Gratiam invenimus, quod supra sepulchrum posuimus, cras graviore pondere erit, illudque tanquam Cælestem Benedictionem servabimus.* Cum igitur una nocte vigilassent, altera die mane velum sericum appenderunt, & tantum fuit pondus quantum libra ferre poterat. Iphis deinde has Reliquias inter solemnes cantiones per urbem ferentibus, in illius Civitatis carceribus detenti quæsierunt, quid ageretur. Responsum est: *S. Martini Reliquiæ in Galaciam mittuntur.*
 Illico

illico captivi isti invocata S. Viri ope Sæculum VI. A. C. 561.
 liberati sunt, accedentes ad Reliquias
 Servatori suo gratias egerunt, & Episco-
 pus gratiam ipsis a Judice impetravit.
 Legati Galæciæ hac re vehementer de-
 lectati nec amplius dubitantes, quin tan-
 tus Patronus ipsis faveret, post felicem
 navigationis cursum in Patriam reversi
 sunt. Reliquiæ summa Veneratione ex-
 ceptæ, Regis filio recepta incolumitate
 obviam procedente. Rex unitatem Pa-
 tris, & Filii, & Spiritus S. confessus, cum
 tota Aula sacro Chrysmate unctus est. (*)
 Lepra ab omnibus, plurimi enim de po-
 pulo hoc morbo laborabant, repente ab-
 scessit. Multa in nova S. Martini Eccle-
 sia patrata miracula, & tantus populi pro
 Religione Catholica zelus fuit, ut si occa-
 sio se præbuisset, Martyrium tolerasset.

Ita hanc Historiam Gregorius, qui
 postmodum elapsis ferme annis duode-
 cim Episcopus Turonensis fuit, refert.

§. IV.

S. Martinus Dumiensis.

Conversio illa præprimis perfecta est o- Fort. L. V.
 pera alterius S. Martini, quem Divi- carm. I.

A 5 na

(*) Hæc Unctio Sacramentum Confirmatio-
 nis fuisse videtur, vel Supplementum Unctionis
 illius cum Chrysmate, quam Arianæ in Baptismo
 mittebant.